



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 4. Desumpta ex cap. 7. 8. & 9. lib. Numeri, in quibus describitur
oblationes 12. Principum in Dedicatione. Consecratio & requisita ætas
Levitarum. Lex de celebraando Phase &c.

[urn:nbn:de:hbz:466:1-61252](#)

lidè tamen ageret, qui se illis hâc spe fretus immerget. Quarè felicem te æstima Religiose vel Clerice, qui divinæ obtemperans vocationi elegisti statum, Miseriæ periculô carentem. Verùm confidenses velim: quanta sit obligatio servandæ castitatis Deo juratæ. Si enim Deus v. 3. & 4. cap. citati Personis sibi speciali votô consecratis, interdixit usum aceti & uavarum, aut quidquid tandem ex vinea esse potest. Puta: quô rigore immoderatum vini usum, qui Castimoniam venenum dicitur, tibi interdictum velit? cogita pariter: te imitari debere Nazaræos rasos, de quibus v. 9. agitur, ut videlicet cum ipsis capillis inutiles cogitationes deponas, sicque ab omni sensuali impedimento liber, quæ sursum sunt, solum sapias.

Doctrina 4.

Desumpta ex cap. 7. 8. & 9. lib. Numeri, in quibus describuntur oblationes 12. Principum in Dedicatione. Consecratio & requisita etas Levitarum. Lex de celebrando Phase &c.


N.149. Considera 1. **Q**uomodo Principes & Primates Populi Hebraici pri-mô locô erga Deum sese munificos & liberales exhibeant, offerendô Dona: ut suô exemplô Plebem cogerent ad imitan-dum; nam verba Superiorum movent tantum eorum verò exempla trahunt. Sicut Helitropium ad motum Solis, ita Populus Principum factis & moribûs dirigitur: & hinc meritò Solon: Populares Principum umbras vocat; ut enim umbræ figuræ corporum, ita Illi Principum gesta sequuntur. Ascendente Jesu in naviculam Matthæo teste secuti sunt Discipuli. Noëmo imperavit Genes. 9. Deus: ingrediaris Arcam tu, & Parentem ingressum secuta est omnis familia. Illa ipsa die, quâ circumcisus est Abraham, circumcisus est Isaac & omnes viri domus ejus Genes. 17. Moyse præcincte divinas laudes, consono carmine decantabat omnis Israël Exodi 15. Illustrissimam reportavit victoriam Gedeon Judic. 7. At quæ præcipua illius causa? responderet S. Scriptura: quod me videtis facere, hoc facite &c. Lucæ 19. dicitur: Salutem domui Zachæi factam esse: cùm tamen ad sequendum Christum solus vocetur Paterfamilias Zachæus. Verùm quis nescit; sanitô capite sanitatem derivari in Membra? Theodosius Imperator: cùm in mensa frugalitati apprimè studeret, effecit: ut in omnes Nobili-

bilium Romanorum mensas eadem frugalitas penetraret. Quare de eo Pacatus hæc verba scribit panegyrica: tuæ Imperator Epula locorum ac temporum fructibus instruantur; hinc certatum in omnes luxuria pudor exolevit, & quiescentibus legum minis subiit quandoque privatum sua pœnitentia. Sic est enim, sic est: exasperat homines imperata correctio, blandissimè imperatur exemplò. Ita cit. Author in fine Orat. sicut cœli, licet taceant, solo aspectu ad laudes Dei invitant: ita superiorum exempla, et si silent Imperia, ad se standas virtutes accidunt. Cùm autem testibüs Philosophis: contrariorum eadem sit disciplina, hinc concludes: eò magis obesse subditis prava Prælatorum exempla, quō magis prosunt virtuosa: ô quantam ipsi cœlo intulit perniciem unius Angeli superioris superbia! traxit illa Apocal. 12. Tertiam partem stellarum caudâ suâ, & tractam immergit extremis Tartari tenebris. Marcellinus Papa cùm timore correptus thus Idolis immolasset, mox illum hujus peccati, quod inferioribus Christianis maximo potuisset fuisse scandalum, adeò pœnituit, ut Sinuesam Campaniæ Urbem ad Concilium 180. Episcoporum squalidus, pulvere conspersus, & cilicio induitus venerit, ubi lacrymis profusis sclerus suum contestabatur. Quem tamen cùm nemo damnare auderet, sed conclamarent omnes: tuò te ore judica; nam prima sedes à nemine judicatur. Ille Romam reversus Imperatorem adiit, gravissimè eum accusans, quòd ad tantam Impietatem se impulisset. Quam ob rem capite plexus, omne perniciosi scandali periculum penitus è medio sustulit. Deus bone! si Christus Dominus Pharisæis hypocritis, qui occultando sua scelera se solos perdidere, adeò minetur, & toties vœ ingeminet: quid exspectabunt Christiani superiores, qui liberè publicè que peccaverint certi; Regum ad exempla totum componi orbem, quod sanè provide expendens S. Greg. Naz. Apolog. 1. ait: Mihi timor incutitur: cùm & Pharisæos probris affici, & sribas redargui video. Quanta ergo Dei vindicta te exspectat Christiane Lector, si superiorem aut Patremfamilias agens, audeas in subditorum præsentia loqui aut tractare turpia, ut alia peccata taceam scandalum pusillorum obnoxia?

Considera 2. Homines: divino servitio mancipandos, debere esse N. I. 50. tales, qui maturitate morum & constantiâ virtutum non minores sint viginti annis v. 24. cap. citati: eò quòd Pagninò teste non ad simpliciter ministrandum, sed potius ad militandum in opere Tabernaculi Levite fuerint assumpti. Hinc disertè ad propositum ait Oleaster: Sapè mecum mirabar: cur Dominus venientes ad servitium ejus, dicat venire ad mil-

militandum? sed iuste hoc factum esse credendum est, nam Eccles. 2. afferit: fili
accedens ad servitutem Dei prepara animam tuam ad temptationem. Quis enim
effari queat, quot opprobria & cachinos patientur illi, qui pie in
Christo vivere nituntur? videtur totus mundus contra eos armari.
Non à Paganis, Turcis & Hæreticis necesse est, eos affligi, sed à Chri-
stianis quoque, quin imò etiam à consanguineis, fratribus & parenti-
bus. Sed quod ignis est auro, hoc persecutio Justis est. Aurum in
igne necquidquam valoris splendorisque perdit, sed in utroque con-
stans crescit, metallis aliis in fumum abeuntibus. Unde Malachia 3.
dicitur: *Quasi ignis constans, & quasi herba fullonum & sedebit constans & emun-
dans argentum: & purgabit filios Levi & colabit eos quasi aurum & quasi ar-
gentum.* Ipsæ Misericordia, & afflictiones, quas præter opprobria ferre co-
guntur, sunt aqua lustralis, quâ instar Levitarum purgantur à fordibus
animatorum suarum. Hinc S. Joannes Anachoreta uni de fratribus ter-
tianâ febrâ laboranti, cùm peteret ab eo curari, responso dedit: rem
tibi necessariam capis abficere: ut enim corpora nitrô aut aliis hu-
jusmodi lenimentis abluntur à fordibus: ita animæ languoribus
aliisque hujusmodi castigationibus purificantur. Sic diuturnis lacry-
mis, quas dilectissimô filiô orbatus Jacob ipse fuderat, purgati sunt
parvuli defectus tanti viri. Sic Joseph ipse integrô bienniô inter te-
tros carceres transactô, ablutus est. Silentio involvam innumeros
alios: causam tantummodò allegans tot persecutionum & miseria-
rum, à Justis ferendarum esse felicitatem æternam, ab ipsis possiden-
dam, quæ cùm merces sit magna nimis, magnô pariter emenda est pre-
tiô. Terra promissionis lacte melleque manans adiri non poterat,
nisi superatô mari rubrô & asperrimis viarum ambagibus atque pe-
riculis. Ad Persarum Regem neinini fas erat proprius accedere, nisi
osculatus fuisset virginem ejus Esther 5. Cœstan. lib. 4. de Institut. c. 3.
narrat: Illis, qui olim ad Cœnobii disciplinam recipi cupierant, non
prius patuisse introitum, quâ decem aut pluribus diebus ad fores
Monasterii excubassent, datô insigni admirandæ patientiae, humilita-
tis & perseverantiae specimine. Jussi omnium genibus sese provolve-
re, probris & injuriis onerandi, excludebantur, si vel parvum impa-
tientia monstrassent signum. Quid igitur amore cœlestis Patriæ non
ferendum? ergo Christiane Lector conclude cum Ignatio Martyre:
non tantum opprobria, corporis morbi, animæ afflictiones, sed omnia
tormenta Diaboli in me veniant, tantum ut Christo fruar. Lubens libensque
aggre-

aggregates hic comedam adversitatum Latucas, dummodo liceat, cum cœlestibus Levitis æternum Phœnix manducare.



FASCICULUS XXIV.

Doctrinarum Moralium & Asceticarum.

Doctrina I.

Desumpta ex cap. 10. & 11. lib. Numeri, in quibus describitur Preceptum de fabricandis Tubis ductilibus, quibus Principes & Populus ad bella vocetur, & de elevanda Arca. Murmur Populi esurientis, missæ coturnices in castra &c.

Considera I. **P**er Tubas illas ductiles, quas Deus cit. capite præcepit fabrefieri, ut eis ad Bella animarentur Judæi, mortaliter intelligi duas illas æternitates, felicem videlicet & infelicem, quarum prima est Beatorum, altera damnatorum. Harum sonus è mundanarum deliciarum castris ad fortia Domini bella eos omnes excitat, quorum animis insufflante Deo insonuerint. Et illi quidem instar Principum & Magnatum Israëlitarum per primæ tubæ sonitum facile excitantur, qui fallaces mundi delicias nondum immoderatè gustarunt. Alii vero, qui semel Sirenum blandientium cantibus aures præbuere, nonnisi repetitò pœnarum infernalium sonitu instar stupidæ plebis Israëliticæ avocandi sunt. Vocanti tamen Deo etiam parent, quia tanta est hujus tubæ energia: ut teste S. Chrysost. Serm. 31. in Epist. S. Pauli: *Non finat in Gehennam incidere, Gehenna meminisse.* Vates regius non immeritò memoriam infernalium pœnarum fumo comparat Psal. 17. Ut enim fumus ab igne natus elicit lacrymas ex oculis, ita Inferni memoria ad agendam inter lacrymas pœnitentiam, & sectanda Christi patientis Castra impellit peccatorem. Hinc dicitur 1. Reg. 2. *Dominus mortificat, & vivificat, dederit ad Inferos, & reducit.* In vita S. Lidwyne, descripta à Surio 14. Aprilis legitur: illam aliquando ab homine flagitioso pœnitentiæ loco petuisse, ut Dd uni-